

鎮海縣新志備稿

卷下

鎮海縣新志備稿

名宦傳目錄

洪錫範

人物傳目錄

劉崇照

賀紹章

戴顯運

王人鑑

樊棻

陳世熙

子廷鏞

莊袞

傅昌順

吳正閭

鄭鴻壽

從弟鍾麟

李濂

趙學晉

支啓泉
張九皋

王孝烈

孫良燮

李承蓮

王榮商

俞汝昌

子往欽

秉廉

林鶴年

謝觀敝

張汝蘅

虞清華

弟駿萃

從姪紹震

方駿華

鄭岱雲

陳繼穰

張宗錄

族弟瑛

邵冀生

陳雲衢

陳薰

弟傳菁

陳協中

金士衍

盛炳紀

柴正衡

陳良楨

劉敬煥

方積球

王嘉榕

虞輝祖

族秉祺

於尹誥

林望九

鄔漢章
倪承烈

胡善錫
沙鴻燦

張寅輝

父惠廉
族兆泰

俞成誥

徐沛祿

胡同鈞
張丙旭

汪顯述

鄭一夔

族姪廷琛

楊寶善

盛炳緯

兄炳經

朱忠煜

傅家銓

戴鴻庥
鄭蕊舫

李厚祊

鍾娘

鎮海縣新志備稿

名宦傳

洪錫範字伯言江蘇太倉縣人清季畢業北洋大學歷任太倉上海縣知事民國四年以免試知事分浙委任三月署鎮海縣知事五年三月實授尋因病辭職六年十一月回任八年三月在省長考核屬吏案內以實政實心民懷吏畏上聞晉給五等嘉禾章是年十二月調署蘭谿士民奔走乞留仍留本任九年五月因病乞假十二年一月卒於滬寓錫範氣度宏遠休休有容平生無疾言遽色遇大事當幾立斷初任鎮海鄉人有積怨鹽警集衆死抗者響應徧山谷錫範推誠安撫衆始散去大吏行文嚴捕株連無數錫範具文申辨僅捕爲首劉康二人仍持不解省尋亦得釋霽霽柴橋兩鄉民感之入骨颶風爲災奉令放急賑慮有中飽乃按戶爲一囊計口疏銀圓銀角銅元

制錢於其外封以授士紳之公正者按籍給囊均親督掾屬爲之六年回任
浙亂初定一意撫循所屬柴橋警佐樓仰高績有循良錫範特薦諸省并爲
文咏歎以諷其餘教民樂某爭宗祠祭品不勝由某領事照會交涉司責償
於族長錫範以祭品實不應得不可以民教而有所輕重往來爭辨數千言
卒不爲償在任兼理司法發覺寺僧殺師雪鹽巡緝商誣盜等案尤爲時所
稱頌後因截獲販米出洋船隻鄰邑某大紳由京密電省長令釋去錫範爭
之不得請病假去錫範留心地方掌故嘗延請邑中諸名宿重修縣志其功
尤不可沒云

鎮海縣新志備稿

人物傳

劉崇照譜名頤翹字楚薌

居西管
貴駟橋

叔慎樞拔貢有文名最奇賞崇照崇照文思

清刻精書法光緒庚寅成進士授翰林院庶吉士散館出爲江蘇鹽城知縣
發奸摘伏吏不能欺一時有劉青天之名嘗建北閘辦清丈局農民感其惠
因建生祠於閘旁甲午丁酉兩爲鄉試同考官所得皆知名士以道員在任
候選辛丑丁憂歸歷任鄉約局長府縣教育會長六邑地方自治會董事其
辦本鎮寶善學校所費逾萬金又請免倪家堰卡稅商民便之易世時被舉
爲本邑民政長旋任爲縣知事卒於民國九年年五十八同里賀紹章字逸
仙高才博學爲世所稱光緒壬寅舉人宣統二年考授陸軍部主事入民國
位上士歷充法政學校教習任山西檢察廳長卒年四十

鄭鴻壽字珍文

城區

賢坊長子幼承家學成諸生屢試秋闈不售以附貢生報捐

同知分發福建上官知其才歷任浦城水口兩釐局總辦漳州夙號健訟積案纍纍俾會同地方官清理之未滿三月結案數十皆得情理之平丁亥丁憂旋里鎮邑瀕海地不足於耕每值荒歉饑民聚衆索食往往譁譟滋事鴻壽先時籌畫或平糶或施賑不辭勞瘁鄉里賴之甲午日本啓釁海疆震驚佐大吏籌海防不遺餘力庚子拳禍方靖徵餉孔急又爲當道設法勸集款十餘萬金浙撫任道鎔上其勞且贈利濟匡時扁額焉旋陞知府賞戴花翎加三品銜仍分發福建歷充福寧泉州稅釐局總辦全省禁煙局提調發讞局提調兩署福寧府知府勤政愛民創建學堂訂定課程以端士習既又至廈門東冲兩釐局筦辦權務辛亥武昌舉事辭職旋里不復出平居救濟親友之緩急排解鄰里之糾紛舉同義社以妥羈魂設同善會以埋暴骨善舉甚多故衆論翕然歸之從弟鍾麟字晶甫附貢工書法

戴顯運字運來

城區

家貧年十四襁被至滬學商業既長習商情精通西國語言

文字凡與洋人交易不假通譯之手又以世界大勢注重冶鐵遂創設利昌鐵肆持籌握算冠絕儕輩由此業日盛而名亦遠著性至孝事父母能先意承志既歿則喪葬盡禮好施濟朋友親戚有所貸無不應尤勇於爲義凡甬滬間善舉事踴躍輸資不稍居人後在家則建宗祠創宗譜道路橋梁之待修築者竭力襄其成戊午東管鄉濬西大河慨捐五千金去歲議修邑乘又創捐五千金焉

李濂字廉水

崇邱

承輔次子生而左足微跛穎悟好讀書同治丁卯舉人光緒丙

子進士以主事分發戶部部司員類不習會計外省經常報銷之案率由書吏具稿司員簽名長官畫諾而已濂留心公事鈎稽必謹吏以稿進數有誤必嚴詰皆大警服補主事遷山西司員外郎生平雖席豐履厚而絕無侈靡

豪華之習丁內艱歸不復出卒年七十一

夏啓瑜撰傳

王人鑑號蓉垞

城區

心芳次子優行誼擅才學就館江南謝氏聞父疾中夜披衣

起弟子以方大風雪請待天明行終不許母胡卒事父益加謹有以厚幣延課者辭不往邑東門浦王家硯所以宣洩城中諸水明永樂時塞之別開張鑑硯由是旱苦乾而水苦潦清道咸間先正王曰升張錫申謝棣賢等皆稟請復舊制同治時邑令黃公亦力主其說皆以經費支絀止至是人鑑復與諸紳創其議遂塞張鑑硯濬城內諸河而東門浦得復開三年歲其功先是光緒邑志告成邑人張錫鐘閱其書慨然有補遺訂訛之作人鑑爲履勘輿地水利以佐成其書其留心故鄉掌故又如此宣統元年薦舉孝廉方正卒年八十四人鑑曾祖國治壽百歲旌昇平人瑞額祖中道旌義夫父心芳旌順孫人鑑又被舉爲吾邑僅見之盛事

陳祖
詔傳

趙學晉字漁仙

前緒

性孝友母劉氏病危刲肱和藥進愈後數年卒父繼歿廬墓

號泣哀毀殊甚伯兄遭疾學晉跪神前禱求醫藥冀其愈家境不甚裕而樂

善不倦年八十卒

謝親職傳

支啓泉

靈巖

兄不順於母母恚甚自投於水啓泉急入

水救母母遇他救得生而啓泉竟溺死年十九人皆哀之王孝烈

東管

孫良燮

張九皋

靈巖

皆以割股見稱鄉里

樊棻字時勳

城區

懋之後樊氏世襲明武職後子孫多習商棻始賈甬後出滬同

邑葉澄衷契其才以重任相畀光緒甲申乙酉間法人擾海疆華商多隱相

接濟時議頗牽涉葉氏棻力向當道白其誣事得解

劉樹屏記

名由是益重數年

業大起好義勇爲各省有災荒輒出資爲衆先其建宗祠創便蒙學校及附

設勤稼女塾所費尤鉅云

家傳

李承蓮字澄濂

崇邱

所居地曰小港當大小浹入海處環三面皆水其居人皆習

海利用鹽筴承蓮生六月而父歿母哭泣喪明家貧就養於叔父年十四泛

海貿魚鹽稍稍立計取贏久乃益知其便惡所取棄罔不當於算權鹽者廉

其才因以公賣事相屬洪楊亂已煮海之權不復操自上小民竊販穴利往

往與吏伍作難承蓮於鹽鹺利弊析之尤精批治幾三十年而事卒倚以辦性伉俠能勞雖衰年日常事力所能堪者必躬之不以役人蓋自浮海作家至謝業歸盡事而勤不稍解既退居喜排解人紛紜有貧乏者援尤力曰吾少時非依人而食耶故人皆稱其爲厚德人也卒於民國五年年八十有五

陳訓正撰傳虎
輝祖撰墓表

陳世熙字蓮舫

前緒

附貢紹唐兄行誼如紹唐而性情和易以急公好義叙觀察

銜世熙子廷鏞字聲甫光緒癸巳舉人有學行工詩詞莊袞字次夔

西管

歲貢

生善承先志地方善舉無不熱心舉辦科舉變後曾以崇正書院原址改辦高初兩等小學歷充西管鄉約會長地方自治會議長衆皆信重之

王榮商字友萊

靈巖

永肩孫生而岐嶷溺苦於學制藝詩賦治之尤精光緒八年

舉於鄉十二年成進士翰林院庶吉士十五年授編修二十年大考升侍講二十四年轉侍讀嘗充順天鄉試同考官四川鄉試正考官生平留心學務

疏請地方官廣立鄉塾改大學堂總辦提調爲實官鄉有靈峯寺鄉人移香火之資以充靈山公學費僧資緣當道幾翻前議榮商言於支提學恆榮得寢其事其有持論過激鄙薄科舉者則又面斥之雖至好者無所假借靈巖二都二畝之河既狹且曲雨則溢旱則涸榮商方省母假歸因集衆議疏濬始事於二十四年孟冬迄於歲除凡濬幹支河共萬有三千餘丈明年大旱闔村咸受灌溉之利宣統紀元預修德宗實錄三年丁母憂歸清祚告終遂不復出民國八年邑設局修志延榮商任總纂發凡起例悉心商榷時已病困猶手訂大事記人物傳兩門餘未及審定而卒年七十

傳昌順字曉春

城區

先世本閩人有諱光祿者商於浙之鎮海遂著籍焉父以和

處境困約潛德弗耀有子五人昌順其季也以和歿數月而昌順始生已不及事父事母劉氏至孝感念恩勤奉養維謹母目微眚調護備至髫年輟學業賈始執業於布肆已而改入木肆時汽船未盛行於中夏木肆皆自置海

舶南至閩嶠北達遼海販賤鬻貴藉通材貨舶設一人總其事責重事繁非篤誠兼有幹略者勿克任主者重其才一以相委昌順必黽勉從事歲時駕舶出海歷驚濤駭浪不爲苦誠信旣孚諸以木材爲業者咸相景附先後二十餘年爲其肆致贏無算性好交遊所至必訪其地賢豪長者而友之俸給所入半供酬酢皆出私財不支公費自奉極約所御緼袍或更十數年不易而急公好義惟恐或後戚友有匱乏者恆不俟告而周濟之鄉里公舉春秋社祭及修治道途橋梁靡不稱量欣助俾底於成而於報本追遠尤慨然引爲己任某歲有族產水田若干畝爲奸人夤緣一二不肖子弟私鬻於里豪某宗人畏其勢知其事弗敢問昌順自海上歸里廉得其實咈然曰是高曾之遺禮祀所賴爲子孫者乃坐視他人篡奪吾傳氏尙爲有人耶乃慷慨具牘訴之邑宰一再集鞠宗人之怯者怠者皆畏避昌順獨侃侃陳辭邑宰爲之動容得盡反所鬻之產凡訟事所費皆一身任之鄉里有爭議不決者就

之評衡曲直得一言無不立解性尤切直嫉惡褻嚴少年子弟言動有踰越軌範者輒面折之不少假論者謂其隱於市廛而以身繫鄉黨教化之重並世士大夫或不逮也卒年五十有二以子宗耀官贈朝議大夫

盛炳緯撰家傳

俞汝昌字樹周

靈巖

乾隆乙酉右榜舉人世盛之五世姪孫三齡失怙母賀氏守

節撫養自幼劬學同治壬申補縣學生聲譽日起家貧以館穀養親時同里王友萊侍讀方爲諸生與汝昌志同道合以舉業相切劘鯤池山長陸漁笙太史夙負知人鑑皆以遠大期之逮光緒丙戌侍讀捷南宮而汝昌始以高等食餼癸巳登賢書屢上春官不第以揀選知縣終先是侍讀之贈公錫山等議改鄉之福聚菴爲振文書院汝昌亦與其事其後董院事又最久至光緒甲辰科舉將廢乃首先改辦學堂宣統紀元舉辦鄉約與虞清華王榮唐並董局事辛亥春自治成立被舉爲鄉董其時鄉村搶刼滋甚官廳捕務廢弛卽獲盜送案亦不嚴辦閭閻夜難安枕乃密設偵探旋獲劇盜數人徇衆

議投諸河盜風以戢至秋光復井里晏然民國三年改任爲自治委員兼充學董整理靈峯香資不遺餘力而自治公益之需及學堂主辦補助諸費藉以取給焉又嘗經理本鄉酒稅視比較以定捐率無多取以肥私故當時酒稅較他鄉爲獨輕至今人猶稱之生平坦直胸無城府爲人謀必盡心力雖晚年謝事家居凡遇鄉黨要公猶相率諮商往往得一言以決其爲人所推服蓋如此卒年七十有五長子往欽縣學生好學能文三子秉廉縣議員明幹能任事皆早卒林鶴年靈巖慷慨能任事三官堂改書院遷佛像於孔墅菴人多畏縮鶴年往來監督不避風雨

吳正閭字鞠九

崇邱

以航海起家品端謹然勇於爲義崇巖河道久淤塞且首尾

不貫通衆屢議開濬皆以費絀止正閭獨引爲己任相度形勢大興工作淺者深之梗者鑿之自靈巖水徑橋至崇邱虎口橋凡長千一百五十餘丈皆通之費白金逾萬他如平道塗給醫藥施棺槨歲尤不可勝數以己早失學

與從兄正鉅創辦七星延陵學校培植族中及近村子弟卒年六十四授同知銜獎樂善好施額

謝觀黻字彤黼

邱崇

父周訓

傳見前志

爲邑經師從子觀宸嘗從之學文才卓著不幸

早世周訓哭之慟及觀黻誕生之夕其世父夢觀宸復生其家故時以觀黻爲其後身自幼穎悟九歲隨其父讀書寶鏡菴中朗誦漢唐宋之文音與梵鐘相應和戶外聽者踵相接未成童淹貫經史改制舉藝於庭訓外兼得其伯兄觀冕仲兄錫南之切劘年十六父歿乃從郡邑諸大師遊學業大進出應縣府試屢列前茅光緒乙亥受知於胡學使瑞澗入郡庠癸未歲試一等二名補增廣生甲申復列一等試拔萃科報罷旋食餼甲午中式本省鄉試第十七名舉人乙未會試堂備癸卯就試汴闈復不第是時清廷勵行新政將廢科舉觀黻乃與其婦弟盛炳紀等興辦邑中各學校家在浹江以南故浹南學校爲其所手創觀黻生平孳孳於學陶淑後進至老不衰自弱冠設

帳授徒諸富室爭相延致從遊者日衆及門多知名士間或掇巍科以去及學堂既興執教鞭者又二十餘稔若蒙養若養正若浹浦皆主其事而長中興至十六年之久觀陂嘗曰余一生學問無踰於人僅以經義詞章爲人師自學堂興而詞章之學替自學堂廢讀經而羣經訓詁之學又替而余猶靦然居教席亦欲寓古訓於新科學之間藉以端蒙養而存國粹非敢苟附時趨也時省視學蒞鎮考核辦學成績以爲闔邑冠由省咨部呈蒙大總統給予七品嘉禾章庚申分纂邑志癸亥輯薛氏宗譜乃搜訪其先世明兵部尙書恭敏公奏疏及詩稿編校成卷皆有關於本邑文獻至他鉅族延修譜牒或於授課之暇爲之若東管王氏蘆江鄭氏虹橋朱氏鷺林葉氏小港楊氏包氏多經其手定其爲人所信重蓋如此最後長慈東龍江學校甫一載而病卒年七十張汝衡字楚生

崇邱

廩生工詩文書法初學歐繼習顏晚歲則以

蘇爲宗